



Broj: 03/1-50-14-7-5-10/15

Sarajevo, 27. 05. 2015.

PREDMET: Informacija o učešću članova Zajedničke komisije za odbranu i sigurnost na Drugom obavještajno-sigurnosnom forumu, Beč, Republika Austrija (06. i 07.05.2015.)

Članovi Zajedničke komisije za odbranu i sigurnost BiH u periodu od 06.05. do 07.05.2015. učestvovali su u radu Drugog obavještajno-sigurnosnog foruma koji je održan u Beču, Republika Austrija. Forum je održan na poziv Parlamenta Republike Austrije uz podršku Kongresa SAD.

U delegaciji Zajedničke komisije bili su: predsjedavajući Sifet Podžić, prvi zamjenik predsjedavajućeg Borislav Bojić, druga zamjenica predsjedavajućeg Borjana Krišto, sekretar Zajedničke komisije Ljiljana Milićević i stručni savjetnik Željko Grubešić.

Tokom dvodnevne rasprave, u kojoj su učestvovali parlamentarci iz 23 evropske zemlje i SAD, kao i jedan broj eksperata u oblasti sigurnosti, zaključeno je da uspostavljanje efikasnog i transparentnog parlamentarnog nadzora ima veliku važnost i utjecaj, posebno ako svojim odlukama i zaključcima obavezuje izvršnu vlast na suočavanje sa sigurnosnim izazovima i prijetnjama koje su od značaja za nacionalnu sigurnost i sigurnost svih građana jedne države.

Forum su svojim uvodnim izlaganjima otvorili šef delegacije austrijskih parlamentaraca Andreas Schieder, članovi Odbora za nadzor privatnosti i civilnih sloboda SAD David Medine i Rachel Brand, te predsjednik Ustavnog suda Republike Austrije Gerhard Holzinger. Svoja izlaganja na Forumu imali su i predsjedavajući Odbora za nadzor nad obavještajnim službama Predstavničkog doma Kongresa SAD Devin Nunes, kao i član tog Odbora Adam Schiff, te Manuela Moriona, zamjenica predsjedavajućeg OSCE-a za pitanja antiterorističke borbe.

Zaštita privatnosti i ličnih podataka građana, kao i rad obavještajno-sigurnosnih agencija u skladu sa ustavom i zakonima, bile su teme koje su obilježile raspravu nakon uvodnih izlaganja.

Učesnici Foruma nezbježno su se dotakli i aktuelnih sigurnosnih izazova. Raspravljalo se i o implementaciji državnih politika u prevenciji i borbi protiv terorizma, ulozi zakonodavne i izvršne vlasti u izgradnji institucija, obavještajnih i sigurnosnih agencija, te njihovoj koordinaciji u radu.

Učešće članova Zajedničke komisije na Forumu je podržala Misija OSCE u BiH.

Predsjedavajući komisije

Sifet Podžić